


Ravi Shakya

श्री हिरण्यवर्ण महाविहार स्थित पिण्डपात्र-अभिलेख



हेमराज शाक्य

**श्री हिरण्यवर्ण महाविहार स्थित
पिण्डपात्र-अभिलेख**

हेमराज शाक्य

पिकाक
मुक्तबहादुर धाखा
पुलचो, यल ।

पिकाक
मुक्तबहादुर धाखवा
पुलच्चो, यल

न्हापां पिदंगु
५०० गू

व्याक्क अधिकार
च्वमियाके

मू २ तका



थाकू
बागमती छापाखाना
वनबाहा यल
☎ २१८४७

दोहलपा

नेपाल संवत् ११०० चित्लाथ्व ४ खुनु यल नागबाहास
सुसम्पन्न इल्हने सम्यक् समारोहया लसताय् पिदंगु थ्व
श्री हिरण्यवर्ण महाबिहार स्थित
पिण्डपात्र अभिलेख
पिण्डपात्र दुन्तायापि सकल श्रद्धालु
दानपतिपिनिगु लुमंतिस



बौद्ध परम्पराकथं चूडाकर्म यानालि शिलांकुश पिण्डपात्र
ज्वनाच्चवोह शाक्यभिक्षु
(राजेन्द्रराज शाक्य थेना, यल)

थःगु खँ

झीगु येँ, यल व खपदेशय् थुगु श्री हिरण्यवर्ण महाविहार (क्वाबाहा)या नां मन्योपि कमहेजक जुड । उकिसं थ्वहे क्वाबाहा नेपाया “गोल्डेन् टेम्पल”या नामं अन्तरराष्ट्रिय जगते प्रसिद्ध जुयाच्चंगु दु ।

थुगु हिरण्यवर्ण महाविहार संसारया न्ह्योने प्रख्यात जुयाच्चंगुया विविध-कारण दु । उकिमध्ये प्रसङ्गवस निगु प्यंगु उदाहरण न्ह्योने तयाचवनाकि—लुंया ऊनगु तधंगु विहार जूयानिम्ति थुगु थाय्यात श्री हिरण्यवर्ण महाविहार धयातःगु जुस । थुलिजक मखु थन लुंयाम्ह छुंयोगु बाखैनं मदुगु मखु । थौंयागु युगे यल, येँ खप स्वंगु सहरे गुलिनं बौद्ध विहारत दु उलिमध्ये समृद्धिशाली जुयाच्चंगु धायफु । अज थनया सर्वसंघयागु संख्यानं मेमेगु बाहा, बही स्वयानं अपो खने दु । थ्वहे विहार अन्तर्गत उल्लेखनीय दर्शनीय सम्यक् महोत्सव, दीपबार्थे जागु थितिरितिं मदुगु मखु । उकिसं थनया क्वाचपाल देवता श्री शाक्यमुनिबुद्ध विहार स्थापना कालस्वयानं यक्व यक्व न्हचवयागु अष्टधातुयागु प्राचीनमूर्ति खः । बहीदचो व्वई-बलेनं मेमेगु बही, बाहालय् स्वयानं दर्शनीय पूजनीय दुर्लभ कलात्मक मूर्ति, चित्रतनं अद्यापि यक्व यक्व च्वयातःगु दनि । तर मेमेगु थासे धासा आपालं लोप जुईधुंकूगु खनेदु । हानं छुं वर्ष न्ह्यो अमेरीका देशे जूगु विश्वकला प्रदर्शनीस सर्वप्रथम जुयावःगु मूर्तितनं थनहे सुरक्षित जुयाच्चंगु दनि । थन किराती तय्गु अन्याय अत्याचार हटेयाना वहा बाहाफाचायागुनं थःगु पृष्ठभूमि कायम याना वईच्चंगु दु । एवंप्रकारं आनन्दभिक्षुं च्वयातःगु अद्भुत प्रत्यक्षसिद्धि दईच्चंगु नीलपत्रस सुवर्णाक्षर रञ्जनालिपीं च्वयातःगु बौद्धदर्शने अतिकं च्वन्हागु अष्टसाह-स्त्रिका प्रज्ञापारमिता ग्रन्थ थःगुहे किसिमं पाठ याकेगु चलननं आतकं विदचमान तिनि । थ्वहे प्रज्ञापारमिता सफूया कारणंयाना थन क्वापादचोयाथाय् न्हिछि न्हिछि लुखा चायका तय्मागु थितिनं आतक कायम जुयाच्चंगु दु । थनहेसंतु विहारया फुसे बतातले धईगु थासे तन्त्रवज्रयानया प्रमुखदेवता प्रज्ञोपायात्मक विशुद्धयोग दर्शनया गुह्यातिगुहा श्री योगाम्बर विराजमान याका तईतःगु दु । थुगुथासे नेपाया थःगु परम्परा विधि अनुसारं रहस्यपूजा जुयाच्वनि । हानं थ्वहे विहारया उत्तर लछपाखे धर्मांगार गुम्बा दय्का तईतल । थुगुथासे संदेशया प्रकाण्ड विद्वान् आचार्य अतारी लामा गुरुपिगु निर्देशनकथं धर्मचर्या याना चवनीपिनं मदुगु मखु ।

श्वहे विहारस करीब च्यादैति न्हयव साहु श्री मूर्तिमान शाक्यजुया दचोपालं गुंलादचो व्वयात गु समये व्वाबाहादचोया भण्डारेच्वंगु जम्मा १०२ गः विविध किसिमया पिण्डपात्रसच्वंगु अभिलेख सौभाग्यवश अध्ययन याय्गु सुअवसर प्राप्त जूगु जुल ।

शुभसंयोगवश थुगु पुस्तिका प्रकाशनया लागि साहु श्री पूर्णवहादुर धाखाया सुपुत्र यल पूचो निवासि पासा श्री मुक्तवहादुर धाखाजुया श्रद्धा-वित्त उत्पत्ति जुयाव जनसमक्षे प्रकाशे हया बिल । अथेहे दाजु श्री सत्यमोहन जोशीजुनं प्रश सम्बन्धि प्रुफ स्वया करेक्शन यांना थुगु पुण्यकार्यस सहयोग प्रदान यांना दिल । थुकियालागि वसपोलपिन्त जिगु दुनुगलंनिसे हादिक कृतज्ञता जायना यांना च्वना लिसें निरन्तर सुखसमृद्धिया भिन्तुनानं देछाया च्वना ।

थुगु पिण्डपात्र अभिलेख (गथे च्वयातल अथेहे ल्ह्यांयाकया पिकयागु) व श्वया महत्व समेत अध्ययन व अनुसन्धान यांना प्रकाश यांनागु द्वारा प्राप्त जूगु पुण्यानुभावं दिशाज्ञिगु बखत स्वंगु मंगलमुख प्राप्त जुय्मा । अस्तु ।

हेमराज शाक्य

ने. सं. ११०० चिल्ला श्व १

यल महाबुद्ध थैना त्वा
जोथाबाहा ।

धलः

- १) पिण्डपात्रया महत्व
- २) पिण्डपात्रया अर्थ
- ३) पिण्डपात्रया विविध नाम
- ४) ग्रन्थया प्रमाणकथं श्वया महत्व
- ५) ऐतिहासिक दृष्टिकथं श्वया महत्व
- ६) पिण्डपात्र पिदनीगु दिन
- ७) श्वया वस्तु भेद व आकारप्रकार
- ८) पिण्डपात्र धारी देवदेवता
- ९) कोटःया मतलव
- १०) पिण्डपात्र अभिलेख

खतु नेपाया बौद्धविहारे चूडाकर्म याईगु प्रवज्याविधिपुस्तकस पिण्डपात्रया नां स्वंगु किसिमं बियातगु खने दु ।

- १) ऋषिपात्र—शान्त पवित्रता एवं वैराग्य भावनाया प्रतीकात्मक भाजन ।
- २) शिक्षापात्र - ज्ञान परिपक्वता एवं विशुद्धताया प्रतीकात्मक भाजन ।
- ३) भोजनपात्र—जीविकामात्रया सन्तुलनात्मक भोजन भाण्डया प्रतीकात्मक भाजन ।

थुगुहे प्रकारं आचार्य क्रियासमुच्चयस स्वंगु किसिमं भोजनया नां उल्लेख यानातल—

- १) सद्धर्मं भोज्य—सद्धर्माचरण याके प्राप्त भोजन
- २) संघ भोज्य सम्यकसंघ भोजन—श्रद्धायाकें प्राप्त भोजन
- ३) प्रीति भोज्य—समाधिसुखयाकें प्राप्त भोजन

थ्व स्वंगुप्रकारया भोजननं सम्यक भोजनस दुध्यानाच्चगु खने दु । आनि यनया बौद्ध विश्वासकथं थ्व धारणा दु कि—

- १) भोजनमध्ये-सम्यक भोजन उत्तम
- २) दान मध्ये - नरां पञ्जरां उत्तम
- ३) पूजा विधान मध्ये - स्वयम्भूस सखवापा पाय्गु उत्तम

गुगू नेपाया परम्पराकथं मानेयाना बईच्चवंगु नरां पञ्जरांया निम्नि बवईगु दानशालायात पिण्डपात्रशाला धकान उल्लेख याना तगु दु ॥ उगु पिण्डपात्रशालास बवईगु पिण्डपात्र पूजा पाय्गुनं विधान अलग्ग यानातल । खतु संस्कृतिकथं विविध किसिमया पात्रतय्गु नां व ज्या खने मदुगु मखु । उदाहरणया लागि थ्व धाय्गु -

- १) पिण्डपात्र - आर्यसंघपिगु भिक्षापात्र
- २) दानपात्र - निसला किभू निसला पाः
- ३) जलपात्र - अर्घआचमन बिइगु अर्घपात्र
- ४) स्वाहापात्र - यज्ञकर्म आहूति बिइगु श्रुवापात्र
- ५) कवालीपात्र - कापाली तय्गु भिक्षापात्र
- ६) मूलपात्र - पञ्चशाली रूपय् स्वनीगु पात्र

॥ पिण्डपात्रशाला संस्करणाय श्रुचिगन्धोदकेन इ.

-पिण्डपात्रावदान,

- ७) दिगूपात्र - आगंपूजाय् प्रयोग याईगु पात्र
 ८) बलिपात्र - पूजादिकर्म बउ बिईगु थल वउकोन्हा
 ९) धर्मपात्र - अन्नमुठि दानपात्र (चन्दाबाक्क)

शुपि फुकपात्रयानं पृष्ठभूमि बिचाः याना स्वतधासनं छगु छगु महत्व व विशेषता अवश्यं दु । तर उगु विभिन्न पात्रत स्वयानं पिण्डपात्रयागु महत्व गौरव एवं प्रसिद्धि विशेषं उत्तम जुयाच्चंगु खनेदु । उदाहरणया लागि थ्व धायफु—

पिण्डपात्रया अर्थ

पिण्ड व पात्र निगु शब्द मिले जुया पिण्डपात्र जूगु खः । पिण्ड धाय्बले अन्न भोजनवस्तुया समूहयात कयातगु जुल । श्रद्धापूर्वक बिईगु अन्नया ग्यारायातन श्राद्धपिण्ड धाई । अनाथ दुःखि दरिद्र याचकवृन्दपित न्हावल अन्नदाताया रूपे बौद्धजाते उल्लेख जुया च्वंहा मुप्रसिद्ध महाजन अनाथपिण्डक खः । थुम्ह महाजनं बुद्धशासन निम्ति श्रावकसंघ आर्यसंघपिन्त अखण्ड सेवायाना वइच्चंगु दु । थुलिजक मखु गुम्हेसिनं बुद्धया प्रति अपार श्रद्धाभक्ति तया ५४ कोटि धनराशि खर्च याना जेतवनमहाविहारनं दय्का बिल । आर्यसंघपि भिक्षाटन वनीबले सुं श्रद्धालु उपासक उपासिका दायकपिन्सं प्रदान याइगु भोजनवस्तु तइगु थल विशेषरूपे प्रसिद्ध जुयाच्चंगु पिण्डपात्र जुल ।

मेगु अर्थे पिण्डया मतलब थ्व खः कि व्याक्क समूह छथासं लाइगुयातनं पिण्ड धाई । थुकिया बिषय कया शिक्षासमुच्चय त्रिस्कन्धसूत्रय् थथे धयात गु दु—

तुलयित्वा पिण्डयित्वा अभिसंक्षिप्या

राया सम्यकसंबोधौ परिणामयामि

थःमं यानागु कुशलमूल संग्रह दक्कफुक्क राशीकरण बांलाक संतुलना याना लना तोमफीक छगु ग्वाराचिना मुंका तयागु व्याक्क प्राणिपिगु हितसुखया लागि सम्यक सम्बोधिया नामे सम्यकरूपं परिणामना याना ।

थुगु प्रकारं आचार्य शान्तिदेवं बोधिचर्यावतार दशम परिच्छेदय् थथे धयातःगु दु—

पण्डिताः सत्कृताः सन्तु लाभिन पण्डपातिकाः ।

धमण साधु पिण्डित सकलयात लोकजनपिन्सं सम्मान याय्मा लिसें पिण्डपात्रनं
लाम जुइमा धका अशिका यानातल । थुमुकथं पिण्डपात्रावदानेनं थथे धया तलकि —

सौवर्णरीप्य विविधधातुज मृन्मयं वा ।
शाल्योदनैः सुपरिपूर्णं स पिण्डपात्रम् ॥
भक्त्या ददाति सुगताय गणोत्तमाय ।
स्यात्तस्य पुण्यमसमं फलमप्रमेयम् ॥

लुं, वह, सिजः, ली, कें, नें आदि धातुयागु जुल अथवा चायागुहेजूनां पिण्डपात्र
जायक भिगुजाकियागु जा थुयागु भोजन तथा श्रद्धाभक्तिपूर्वक तथागत संबुद्ध भगवान्
एवं आर्यसंघपिन्त दान बिल धासा उह्य श्रद्धालुयात अपरमित पुण्यफल लाई ।

पिण्डपात्रया विविध नाम

नेपामी बौद्धतय्सं पिण्डपात्रया नां विविधकिसिमं प्रयोग याना वईचवंगु छने दु —

- १) शिक्षापात्र - गुरूरा - गुलुपा - गुल्पा ।
- २) ऋषिपात्र - वैरागिजीवनया भिक्षाटन पात्र ।
- ३) भोजनपात्र - खाद्यान्न वस्तुया संग्रह पिण्ड थल ।
- ४) पृथ्विपात्र - पृथ्विया आकारर्थे गोलागु गोलूपा ।
- ५) पिण्डपात्र - बुद्ध धर्म संवया नामे श्रद्धापूर्वक अन्न वस्तु प्रदान याईगु थल विशेष
खः पिन्पां ।
- ६) गुलूपा - श्व गुलूपाया मतजव स्थानीय जनसंस्कृतिकथं थगु हे भावना दु व छ,
धासाः— बोधिसत्वभूमि नामक ग्रन्थया नवमपटले कनातगु अनुसारं—
सम्यक्संबोधिज्ञान प्राप्ति निम्ति बोधिसत्वपिन्सं दानपारमिता पुरे याय्या
लागि नवाकार दान याय्मा धका थथे वर्णन यानातल—

इह बोधिसत्वः क्रमेण षट्पारमितां
परिपूर्वानुत्तरां सम्यक्संबोधिमभिसंबुध्यते ।
तत्र कतमा बोधिसत्वस्य दानपारमिता

नवाकारदानं बोधिसत्त्वस्य दानपारमितेत्युच्यते ।

बोधिसत्त्व भूमिस कनातगुकथं नवदान (नरां) या नां थये खः—

- १) स्वभावदान २) सर्वदान ३) दुष्करदान ४) सर्वतोमुखदान ५) मत्पुरुषदान
६) सर्वाकारदान ७) विधाताधिकदान ८) इहामुत्रसुखदान ९) विशुद्धदान ।

श्वहे गुता प्रकारया दानयात कयाहे की श्रद्धेय पूर्वाचार्यपिन्सं नवदानया परिकल्पना याना नरां न्यायका वइच्चंगु खने दु । वहे नवदानया अन्तर्गतं बोधिसत्त्वपिन्सं पुरेयाय् माःगु सम्पूर्ण दानयात कया विस्तृतरूपं वर्णनं याना तइतगु दु । श्वहे नवदान (नरां) या परम्परा थन चले याना तइतगु जुल ।

श्वहे नवदान गुताकिसिमया दान निर्देशनं याना क्यनातइतःगु व व्याक्ख थुगु पिण्डपात्रया आत्मकथाया दुने सन्निहितं जुयाच्चंगु दु धइगु सद्भावनाकथं पिण्डपात्रयात नेपाल भाषा 'गुलूपा' धाय्गु याना वइच्चंगु प्रमाण खने दु ।

गु- गुताप्रकारया दान

लू- दृश्य, भाव, लुमन्ति, लुय्गु - तय्गु

पा- पारवनेगु संकेतया थल, सहयोगात्मक दृष्टि एकरव जुइगु, कय्मकुंगु चक्कंगु, व्यापकगु, उदारगु - भावबोधक एकाक्षरी शब्द ।

थ्गु किसिमं पिण्डपात्रया महिमाया दुने सम्भयकदान, नवदानया जक खँ दुय्यानाच्चंगु मग्गु परन्तु पञ्जरयांयानं उतिकं हे महत्त्व दु । गथे नवदानया अपभ्रंश नरां जुल अथेहे पञ्चदानया अपभ्रंश पञ्जरौ जूगु खःला धइगु तय्यंक अर्थं याय्फु । तर, श्व पञ्जरया वास्तविक शुद्ध रूप पञ्चदान मिले जूमओ । कारण पुलां पुलांगु पञ्जरौ सम्बन्धी अभिनिष्ठ अद्ययन याय्वले खने दुकि -

गथे-बाहाद्योयात क्वाचपाल देवया क्वापाद्यो धाल, बहीद्योयात गन्धुरीदेवया गन्धुर्यो धका धावन अथेहे आर्यसंघपिन्त दान विईगु भोजनया नां पड्जा दानया पञ्जादान जूगु जुल । श्व पञ्जादानयानं अपभ्रंश पञ्जरौ जूवन । श्वहे पञ्जरयात विभिन्न इले विभिन्न थासय् विभिन्न शब्द प्रयोग जुयावंगु खने दु—

१) पिण्डजादान

२) पुण्यजा दान

- ३) पङ्जा दान
- ४) पङ्जा दान
- ५) पञ्जा दान
- ६) पंजा दान
- ७) पंज दान
- ८) पञ्जराँ
- ९) पञ्चदान

थुगु किसिमं पञ्जराँया विभिन्न नाँत खने दुसाँतवि मुख्य 'पङ्जा' या आशय थ्व खने दुकि- शुचिनीचि याना भिगु जाकि मासिजाकिया जा क्षीर तस्मै थुया श्रद्धापूर्वक आर्य-सङ्घपिन्त बिईगु भोजनया मौलिक शब्द खः 'पङ्जा' थ्वहे पङ्जायात कयाहे-शात्यो-दनं सुपरिपूर्णसपिण्डपात्रम्-धयातगु जुईफु । थ्वहे पङ्जां जायकागु पिण्डपात्र दान यानागु पुण्य त्रयत्रिंश देवलोक्य जन्म जुया अमृत भोजन याय्दई धका पिण्डपात्रयागु गुणवर्णन आपालं याना तइतःगु दु । ★

प्रोदनं विविधं इत्थं पिण्डपात्रं ददौ च ये ।

सुधांशु भोजिनः सर्वे त्रयत्रिंशे विशेषतः ।

एवं बहुगुणं मत्वा पिण्डपात्रस्य यद् फलम् ।

ग्रन्थया प्रमाणकथं थ्वया महत्व

थ्व पिण्डपात्रया विषयल्य बुद्धजीवनी ललितविस्तर नाप यक्व सम्बन्ध दु-बुद्धयागु स्वागत एवं भोजन निम्ति गनं गन निमन्त्रणा जुई अन अन पिण्डपात्रया वर्णन खने दया च्वनी । खासयाना बुद्धया भोजनपात्र हे पिण्डपात्र खः । अथेहे आर्यसंघ भिक्षुपिनिनं । थ्व पिण्डपात्रयात बुद्धं भिक्षाटन व भोजन निम्तिजक प्रयोग याना बिज्यागु मखुकि दुष्टत दमन याय्गुलिनं सदुपयोग यागु खने दु - महान् क्रूर दुष्ट भयंकरहा नागयातनं पिण्डपात्र्य दुने तया शान्तदान्त याना बिल । अथेहे हारती महायक्षिणीया निर्दयीता स्वभाव अविवेक चलन मदय्केत हारतीया तस्सकंमतिनाह्य मचायात थःगु पिण्डपात्रं तोपुया त्रिभुवने माय्के छ्वया साह्येयाना हारतीयात थःगु बशय् तया ब्युगु खनं उल्लेख जुयाच्वंगु दु । एवंक्रमं कुशिनारा रामग्रामनदीया तस्सकं बुलुसे च्वंगु

★ बृहत्सवयम्भूपुराण, पृ. ९८

लखनं थ्वहे पिण्डपात्रं लःतुया कायमात्रनं उगु नाहाथे बुलुसे ताकुसे च्वंगु लखन निर्मल यच्चुसे च्वना वन धयातल । शूरपारग बोधिसत्वनं रत्नाकर समुद्र व्येपार वबलेनं समुद्रया बिचयय् थ्यंका तुफान ओबलेन थ्वहे पिण्डपात्र धारणयाना ध्यान च्वना मात्रनं उगु तूकान शान्त याना आपालं वणिजालपिगु प्राण रक्षा याना व्यूगु खेनं मडुगु मखु ।

सम्यक्मंबुद्ध भगवानं थःगु शासने हुकायत प्रवज्या व्रत विईत भावकादि भिक्षुपिन्त न्हापालाक लःल्हाना विईगु भिक्षापात्रनं थ्वहे पिण्डपात्र जुल । अथेहे राहुल भद्र कुमारं थःके अंश हि धका काऽवबलेनं बुद्धया सम्पत्तिरूपे थःकाय्यात अंश भाग व्यूबलेनं थ्वहे पिण्डपात्र हे जक न्ह्योने तया बिल धइगु खे च्वयातल । थ्वहे घटनायात लुमंका अजन्ता-गुकास थुकिया प्रतिमूर्ति दयका क्यनातःगु दु ।

अतिदानी बलिराजायागु घमण्ड तोरे याय् निर्मित विष्णुचिह्नान्तं वईगु छयने न्ह्या सप्तपाताल छ्वया बिल । थ्वईत उद्धार याय्लागि श्री कृष्णामयं बलिराजायागु पिण्डपात्र दान कया बलिराज उद्धार याना व्यूगु कथानं मडुगु मखु ।

थुजागु किनिम पिण्डपात्रयागु महिमा खेकना पिण्डपात्र दानयाका उद्धारयाना बंगु खे- महावस्त्वदान, दिव्यावदान, कपिसावदान, द्वाविंशतिकावदान, विचित्रकणिकावदान, गुणकारण्डव्यूह, स्वायम्भूपुराण, सुगतावदान आदि ग्रन्थय् षायथासे च्वयातःगु दु । थ्वहे पिण्डपात्रयागु जक विशेष महत्व बिया उल्लेख याना तगु पिण्डपात्रावदान दर्शनीय जू ।

ऐतिहासिक दृष्टिकथं थ्वया महत्व

नेपाया म्हचाम्चा भृकुटी राजकुमारी सँदेशया जुजु श्रद्धेन्ग्याल्पोयात विवाह याना व्यूबले कोसःया रूपय् भगवान बुद्धया पिण्डपात्रनं बिया छ्वगु खे न्ह्यथना तगु दु । अथेहे सं. १३ सालं विग्रहपाल जुजुया पर्यायस न्ह्याथाय् वसांचवसां पिण्डपात्रजक धारणा याना जुइत्त विशुद्ध श्रीज्ञान घइह्य शाक्यभिक्षु छम्ह दूगु जुयाच्वन । थ्वइत पण्डपातिक भिक्षु धइगु उपाधि बियातल । बिजय कामदेव जुजुया पालाय् स्थापना जूगु शाक्यभिक्षु मैत्रिचन्द्रजुया स्वयम्भू महाचैत्य जीर्णोद्धार शिलालेखया शिरो भागस



नेपालदेश और निवासि पृ. १०२



राष्ट्रिय अभिलेखालयें पिदंगु बौद्धग्रन्थ सूची पृ. १४०

खिक्खिवरिकापात्र शिलाकुण्डपिण्डपात्र अङ्कित यानातः गु दु । स्वयम्भूस अनुमानित १२ गुगु शदीया शालिपुत्र, मौङ्गल्यायन भिक्षुया निगु प्रस्तरमूति दु थुमिसनं शिलाकुण्डपिण्डपात्र धारणा यानाच्चंगु क्यनातल । अथेहे यल क्वावाहाया भण्डार क्वथास ने. सं. ६५६ सालं जीणं जुयालि पलेसातः गु पिण्डपात्र लुयावल । थथे धाय्वले उगु पिण्डपात्र निसन्देह न्हंसः च्यासः दँ पुलांगु जुई । प्यंगुगु शदी पाखे चीनया प्रसिद्ध यात्रि फाहियान भारतयात्रा वंवल्ले प्रसिद्ध पुन पेशावर्य भगवान बुद्धया पिण्डपात्र जात्रा जुयाच्चंगु खना धका फाहियानं थः गु यात्रा वृत्तान्त सफूनी च्वयावन । खलु पिण्डपात्रयागु जात्रा नेपालयनं मडुगु मखु गुकिया परम्परा सम्यक, नरां पञ्जरां जुईबले श्री स्वयम्भू भगवान्या पिण्डपात्र खटय तथा जात्रा यागु चलन दनि । यल दारिका विहारया चेत्यया शिलापत्र अनुसार धर्मानन्द शाक्यजुनं श्री हिरण्यवर्ण महाविहारया क्वापाजुयात छगुलाख पिण्डपात्र द्रुहलप्युगु खं च्वयातल । अथेहे ने. सं. ९४५ सालनं श्री स्वयम्भू महाचेत्ययात छगुलाख पिण्डपात्र द्रुहलप्युगु उपलक्षस ओहया पिण्डपात्र चहे यानातगुनं दनि ॥

पिण्डपात्र पिदनिगु दिन

बौद्धसंस्कृति परम्पराकथं गुबले सम्यक, नरां, पञ्जरां आदि दानोत्सव कार्य जुई उबले तिर्जक शान्तपूर्वक श्रद्धालु दायकपिनि न्ह्योने च्ववई । तथागत बुद्ध बोधिसत्व आर्यसङ्घपिगु लहाहातिई खने दयाच्चनि । अथेहे विभिन्न पुण्यतिथि व शुभकार्य सद्धर्मयात्रोत्सव इले प्रदर्शन रुपे खने दयकः बई उदाहरणार्थं क्वय् च्वयागु ज्याख्ये खने दयाच्चनि —

- १) सम्यक महादान उत्सव
- २) नवदान नरां ' '
- ३) पञ्जादान पञ्जरां ' '
- ४) सद्धर्मयात्रोत्सव
- ५) बहीद्यो व्वईबले
- ६) बदे छुय्वले
- ७) बाजु लुईबले
- ८) बाहा पूजा जुईबले
- ९) मतया, ओला वनीबले

॥ वर्तमान थुगु पिण्डपात्र श्री ५ या सरकारया मूल धुकुटी दुत बिदधुङ्गु दु ।

- १०) दिखा बिईबले
- ११) क्वापाजुया ल्हाः पिन्पां थनीबले
- १२) सहस्त्रावतं पूजा (तोडछा पूजा) याइबले
- १३) पञ्चाष्टि व जूगोदय दिनस
- १४) विविध पुण्यतिथि सँलू पुत्तौ अष्टमिस
- १५) पिन्पां गुथि न्याडकोबले
- १६) छत्रंकूजु आजुपिन्त पञ्चरां फयकीबले
- १७) सख्वापा, सिईछापूजा, पञ्चायन पूजाड

चतुर्थ गोदय दिन-

भावनकृष्ण त्रयोदश्यां पूर्वार्द्धे कृतयुगः
 माघशुक्ल पूर्णिमायां मध्याह्ने त्रेतायुगः ।
 वैशाखशुक्ल तृतीयायां सन्ध्यायां द्वापरयुगः
 कार्तिकशुक्ल नवम्यां अर्द्धरात्र्यां कलियुगः ।

थवया वस्तु भेद व आकार प्रकार

त्रिरत्न बुद्ध बोधिसत्त्व व आर्यसंघपिन्त पूजा सत्कार दानप्रदान व भोजन याकेगु निम्ति श्रद्धालु दानपतिपिनि सद्धमंचित्त उत्पत्ति जुई थवया लिसेलिसें थःगु श्रद्धानुसार पिण्डपात्र दय्का द्वह्लपेगुनं ज्या जुई । उबले बिभिन्न किसिमया पिण्डपात्र खने दयाच्चनी । थ थःगु देशया संस्कृतिकथं कलाकारपिगु ल्हाया शीपअनुसारं आकार प्रकार व छांतकांत भतिभती पाय्फु व मेगु खँ जुल । साधारणतया पिण्डपात्र सम्बन्धी अध्ययन व अनुसन्धान पाय्बले निम्नलिखित वस्तुया पिण्डपात्रत खनेदयाच्चनी—

- १) स्फटिक-फटकि
- २) सुवर्ण-लुंया
- ३) रोप्य-ओह
- ४) कांस-कयें
- ५) लाम्र-सिजः

- ६) पितल ली
- ७) धातु-धलबत
- ८) लोह-नै
- ९) मृत्तिका-चा
- १०) प्रस्तर-लोंहै

खतु थुपि पिन्पां चिईगः जुयां छकुचाजक न्हनीगु दय्कातःगु दु । तगः जुयां छमुर्गि मयाक न्हंन दय्का तःगुनं मदुगु मखु । सायद नेपाले दकले सकले तःग्वगु पिण्ड-पात्र स्वयम्भू कर्मराज विहारया शाक्यमुनिबुद्धया न्ह्योने तयातःगु लुंसिया सिजःया पिण्डपात्र जुईफु । थौतकया थःगु अनुभवकथ खनागु पिण्डपात्रत मध्ये दकले सकले बाँलागु निर्मल यच्चुसे च्वंगु लुंकया बुट्टा भरेयाना जडाउ याना अष्टमंगल चाहुय्कातःगु फटकिया पिण्डपात्र थ्व स्वयम्भू अमिताभ तथागतया ल्हातीच्वंगु ल्हापिन्पां खः । थ्व मङ्गलमय पिण्डपात्र दशनीय जू ।

पिण्डपात्रधारी देवदेवता

विभिन्न पात्रत मध्ये अत्युत्तम जुयाच्वंगु उपर्युक्त महत्वं जायाच्वंगु थुगु पिण्डपात्रयागु ज्ञान गुण लुमंका विभिन्न देवदेवतापिन्सनं धारणा याना वइच्वंगु खने दु प्रसङ्गवश उदाहरणया लागि निहाय्प्यहा पिण्डपात्रधारी देवतापिगु नां बन च्वयाच्वना —

- १) आदिबुद्ध स्वरूप धर्मधातु वाणीश्वर (नामसंगीति) या ल्हाती पिण्डपात्र दु ।
- २) धर्मश्री प्रज्ञापारमिता अन्तर्गत वज्रच्छेदिका प्रज्ञापारमिता नं धारणा याना च्वन ।
- ३) सङ्ख्यश्री आर्यावलोकितेश्वर अन्तर्गत १०८ ह्य लोकेश्वर मध्ये छह्य पिण्डपात्र लोकेश्वर या ल्हातीनं तयातगु दु ।
- ४) सुखावतिया धर्मस्वामि श्री अपिताभ तथागतया समाधिमुद्राया दथुस तयातल ।
- ५) वर्तमान बुद्धशासनया संस्थापक शास्तिनायक शास्ता शाक्यमुनि बुद्धया ल्हातीनं दु ।
- ६) अग्रश्रावक आर्यसङ्ख्य शालिपुत्र मौङ्गल्यायनया ल्हातीनं खनाच्वना ।

कोतःया मतलब

गुबले सम्यक नरां पञ्जरं आदि दानोत्सव कार्य जुई उबले नेपामि बौद्ध आचार्य वज्राचार्य शाक्य भिक्षु, ब्रह्मचर्य भिक्षु, श्रामणेरक, चैलक आदिपिन्सं पञ्जरां फःवनीबले

ज्वना वनीगु छगु किसिमया थल खः कोटः । थुगु कोटःयागु सांस्कृतिक पृष्ठभूमि
 हातहास यल पञ्जाष्टमिया परम्परा अध्ययन व अनुसन्धान याना स्वतः धासा सिद्धि दथे ।
 धयातःगु दु - श्री दीपङ्कर तथागतयात ब्रह्मानं यःगु न्यागः छथों मध्ये मूलगु छथों घेना
 चह्य यागु धाई । वहे घटनायागु संस्मरण कथं ब्रह्ममुण्डकपालीया प्रतीकात्मक कोटःया
 रुप बिघातगु जुल ।

श्वहे कोटःया विषय कया वर्षक्रिया सफूती थथे उल्लेख यानातःगु दु ❶

**अष्टम्यां श्रावणे शुक्ले ब्रह्मशोषं ददत्पुरा ।
 तस्माद्वौद्ध संसंघाय अन्नदानं समाचरेत् ॥**

卐 卐 卐

❶ इति वर्षक्रिया नवमपटले उक्तञ्च सम्बरोदये ।



श्री हिरण्यवर्ण महाविहार यल, ववाबाहास प्रदर्शित गुलाबहिदचोया न्होनेसं
चवना पिण्डपात्र अभिलेख अध्ययन-अन्वेषण याताचवोंम्ह लेखक

(हेमराज शाक्य येना, यल)

1997

प्रिण्डपात्र

[१]

श्रियोऽस्तु । सम्बत् ६४५ श्रावण शुक्ल अष्टम्यायातिथौ । वैशाख
नक्षत्रे शुक्ल प्र ब्रम्हयोगे जथाकर्ण मुहूर्त्ते बृहस्पतिवासरे इदमदिवसे श्री
डाखाचोक विहारावस्थित श्रीहर्षसिंहस्य भार्या हेरम्भि पुत्र पुत्री सहेन
श्रीमत् श्री श्री ३ दिगङ्कर तथागतेभ्य सर्वसंघ पिण्डपात्र उपधोषित
अनेन दानेन शुखसम्पदं भवतुः । शुभ ।

[२]

श्रियोऽस्तु सम्बत् ६५४ श्रावण शुक्ल अष्टम्या तिथौ स्वाति-
नक्षत्रे शुभयोगे शतशरवाशरे जथकिर्ण मुहूर्त्ते ककटराशि गते सबितरे
तुलराशिगते चन्द्रमशि । इदमदिवसेः श्रीमत् श्रीश्रीदीपंकर तथागत
भट्टार प्रनमुख आर्य संघ पिण्डपात्रदान उपधोषितं । श्रीयितिलहड
विहार दानप नायकजुसं भार्या हेरलक्ष्मी सहेनः जजमानस्यः पुत्र
पौत्रादिनं जनघनलक्ष्मी वृद्धिरस्तु । श्रीहर्णवर्णमहाविहार श्रीक्वाठ-
भोतस दुंता जुरो, लोपालोपयाकाल पंचमहापाटक लाक जुरोः
थरोभवतु । शुभमस्तु । भुय दक्षना जवाछि १ घारे जुरो ।

[३]

श्रियोऽस्तु । सम्बत् ६५६ श्रावण शुक्ल अष्टम्यान्तिथौ । विशा-
खनक्षत्रे । ब्रम्हयोगे । बुधवाल । तत्दिने दानपति श्रीनकविहारि अटकी-
वाहार जशीराम भारोस्न थ्व पिण्डपात्र दुन्ता जुरो । शुभ । न्हाया
पिण्डपात्र सेडाव थ्वगुरि दयका जुरो । शुभ ।

(१४)

[४]

सम्बत् ६५६ श्रावण शुक्ल । अष्टमी । शनिश्चरवासरे । ५५
कुन्हू रबाहार खण्डचोक रिबीछे पात्रवंश भावगोमि राजरावत्तसन पिण्ड-
पात्र दहरपाजुरो । शुभ ।

[५]

सम्बत् ६७० श्रावण शुक्ल अष्टम्यायां तिथौ इदमेवदिवसे
श्रीयेतिल्हंडे योतागृह निम श्रीउल्हासिहजुस्य श्रीमत् श्रीश्री दिपंकश
तथागत प्रमुख सव्वंसंग पिण्डपात्र दक्षिणा दोहरपा जुरो । शुभ ।

[६]

श्रीयोस्तु । सम्बत् ६८० श्रावण शुक्ल अष्टम्यायां तिथौ श्री
अतकि बाहार हर्षसिह भारोन श्रीमत् श्रीश्रीदीपङ्कर भट्टारकासके पाता
पूर्ण चतनजा दोहरपात्वं जुरो शुभ ॐ ।

सं. ९१२ श्रावण शु १५ अकिवाहारया हर्षसिहनं तथा पिण्डपात्र
सेडाओ विष्णुभक्तिसिनं प्र २ सिजतना न्हूर ज्याकाव दुन्ता जुर । शुभ ।

ॐ चतं दूगु पिण्डपात्र

[७]

संवत् ६८४ श्रावण शुक्ल अष्टमी आदित्यवार श्वकुन्हू ग्वडप्यर
यितिलन्ह्य योतागृह देवज्ञ वधबषिदिसर दुन्ता तवगु जिणं जुया सम्बत्
९९४ श्रावण कृष्ण त्रयोदशी अंगारबार कुन्हू यितिलन्ह्यया क्कालपुस
चोडम्ह देवज्ञ कीर्तिमाधव भाय्या सुवलक्ष्मीन न्हूगु ग्वडपाल दयका दुन्ता
जुल ।

[८]

सम्बत् ६८४ श्रावण शुक्लः अष्टम्यायान्तिथौ । स्वातिनक्षत्रे
श्रुतयोगे । आदितवासरे । श्वकुन्हू यात दोहोरपा दिन निम्बलयात श्री
यितिलहडे योतागृह : वल्ल

[९]

श्रुयोऽस्तु । सम्बत् ६९१ श्रावण शुक्ल । अष्टम्यायान्तिथौ ।
स्वाति नक्षत्र । शुक्लयोग । सोमबासरे । श्व दिन कुन्हू पिडपाद्र दोहरपा
दिन, दानपति ऊवदिसया चैत्र कार मयसिडया ।

[१०]

श्रुयोऽस्तु । सम्बत् ६९३ श्रावण शुक्ल अष्टम्यायां तिथौ श्री-
डाखाचोक येता श्री जिवहलजुसन पिण्डपात्र द्वहलपा जुरों शुभ ।

[११]

संवत् ६९३ श्रुओन शुक्र अस्तमिया तिथौ श्री डाखाचुक रुगुदे-
ओजन भगवान पितिन दुता ।

[१२]

सम्बत् ६९५ श्रावण वद्धि १ लोहकोतखादेश जीवराज दुवा
भाओन श्री ३ व्काठभोन्त भट्टारका प्रीतिन श्व पिण्डपात्र वर्षवर्द्ध थन्ने
मारकं दुन्ता जुरो । कृष्णसिहन जीर्णोद्धार याडा । शुभं ।

(१६)

[१३]

स्वस्ति । सम्वत् ७०३ श्रावण शुक्ल अष्टम्यां तिथौ । श्वकुन्हू
श्री ३ तथागतसके वंथाखावाहार अमाते मेलु भादोसन पिण्डपात्र
द्वहरपात्वं जूरो शुभं ।

[१४]

स्वस्ति । सम्वत् ७०५ श्रावण शुक्ल अष्टम्यां तिथौ श्रीडाखा-
चोक यतागृह शाक्यभिक्षु श्री देवसिंहजुसनं श्रीमत् श्री श्री तथागतयाके
पिण्डपात्र द्वहपाजुरों, तस्य पुण्येन भावेन जजमानस शास्त्रोक्त फल
संप्राप्त भवतिव शुभमस्तु । सर्वदा शुभं ।

[१५]

स्वस्ति । सम्वत् ७०५ श्रावण शुक्ल । अष्टम्यान्तिथौ । श्वकुन्हू
द्वतिलंन्हे यन्ताकुलछें शाक्यभिक्षु श्री जकेराजजुस भ्राते सहसन श्रीमत्
श्री ३ तथागतसके पिण्डपात्र द्वहरपाजुरो । तस्य पुण्यानुभावन शास्त्रोक्त
पुण्यफल भवति । शुभ दीर्घमायुरस्तु । इन्द्रवीर नायरषूया माहारत्न १
पुन न्हापाया पिण्डपात्र सेडाओ ओडस शाक्यभिक्षु श्री प्रज्ञावनजु श्री
धनसिंहजु द्वयो भातृ सहस श्व न्हूल पिण्डपात्र ल्होडाओ दयका जुरो ।
सम्वत् ८८४ श्रावण शुक्ल । पूर्णिमा । श्वकुन्हू दुन्ता जुरो । शुभमस्तु ।

[१६]

स्वस्ति । सम्वत् ७०५ श्रावण शुक्ल अष्टम्या तिथौ श्रीडाखा-
चोक यतागृह शाक्यभिक्षु श्री देवसिंहजुसन श्रीमत् श्री श्री तथागतयाके
पिण्डपात्र द्वहपा जुरों, तस्य पुणेन नुभावेन जजमान शास्त्रोक्त फल
संप्राप्त भवतिव शुभमस्तु । सर्वदा शुभ ।

(१७)

[१७]

स्वस्ति । सम्वत् ७०५ श्रावण शुक्ल । अष्टम्यान्तिथौ । श्वकुन्हू इतिलन्ह्ये यन्ता न्हूलछें शाक्य भिक्षु श्री जकेराजजुस भ्राते सहसन श्रीमत् श्री ३ तथागतस्के पिण्डपात्र द्रहरपा जुरो । तस्य पुण्यानुभावन शास्त्रोक्त पुण्यफला भवन्ति । शुभमस्तु दीर्घमायुरस्तु । पुन भाषाया पिण्डपात्र सेडाओ ओडस शाक्यभिक्षु श्री प्रज्ञावनजु श्री घनसिंहजु द्वयो भ्रातृ सहस श्व न्हूल पिण्डपात्र ल्होडाओ दयका जुरो । सम्वत् ८८४ श्रावण शुक्ल पूर्णिमा श्वकुन्हू दुन्ता जुरो । शुभमस्तु ।

[१८]

स्वस्ति श्री स्वत ७०५ श्रावण शुक्ल अष्टम्यान्ति श्व कुन्हू श्री मत्.....श्रील्हन्ह्य श्रीलूतसिंहस्यन श्रीमत् श्री श्री तथागतके पिण्डपात द्रहलपात्व जुलो । तस्य पुनेन जजमानस्य... सन्तान सकल वृद्धिरस्तु ।

[१९]

सम्वत् ७०६ श्रावण शुक्ल । अष्टमी बुधवार श्वकुन्हू यिति-लन्ह्ये हिति फुसि यंतागृह श्री जगतसिंहजुनं पिण्डपात्र दोहोरपा जुरो सिज चतनसह शुभ ।

[२०]

श्रीयौस्तु । संवत् ७०८ श्रावण शुक्ल अष्टम्या तिथौ, हतखा लकाये भातृ गृह श्री उजोतसिंहजुसन दोहलपा पिण्डपात जुलो शुभ ।

(१८)

[२१]

श्रीयोऽस्तु । संवत् ७०८ श्रावण शुक्ल अष्टम्या तिथौ, हतखा
लकायेतात्र गृह्ण आ उभोनसिहजुसन दोहलपा पिडपात जुलो, शुभ ।

[२२]

श्रेयोऽस्तु । संवत् ७०९ श्रावण शुक्ल अष्टम्यां तिथौ कोनिम्ह
अरखाल्ले मुकुंदराज बाबुसन चतनजा द्वहरपाया थ्व चतन श्री क्वाभोतस
दुता जुरो शुभ ।

पुन भाखा न्याया पात सेडचोडस कोनिम्हल यीतागृह पात्रवंस
शवत्त गंगाशंकर बाबुसन ल्होनकं दोहलपा जुरो, शुभ ।

[२३]

स्वस्ति । संवत् ७११ श्रावणशुक्ल अष्टम्यायातिथौ । स्वाति-
नक्षत्रे आदित्यवासरे । थ्वकुन्हू तवइयाल पात्रवंश रावत जीतशंखल
भारो भ्रात्ये सहसर श्री ३ तथागतसके पिण्डपात्र दोहलपात्वं जुलो ।
शुभं । थोगुलो पिण्डपात्र जीर्णं जुले सं. ९८६ श्रावण सुदि १५ स मुनि-
राज प्रमुखनं फुविद्धिस्यनं ल्होडकं दुता जुर सुभ ॥

[२४]

श्रीयोऽस्तु । संवत् ७१४ श्रावणशुक्ल । अष्टमी कुन्हू पिथवाहार
गोविन्दराम भारोसन पाता पूर्णं याडन श्रीमत् श्री श्रीदीपंकरसके
दोहरपा जुरो । शुभ ।

(१९)

[२५]

श्रैयोस्तु । सम्वत् ७१५ श्रावण शुक्ल अष्टमि । अनुराढ नक्षत्रे ।
इन्द्रयोग । आदितवार । हतषा — हजुसन पातापुणव याडन श्रीमत्
श्री श्रीदीपंकरस दोहोरपा जुरो ।

[२६]

स्वस्ति । संवत् ७१५ श्रावण शुक्ल अष्टम्यांतिथौ श्वकुन्हू
श्रीमत् श्री श्री तथागतसके चाषावाहारया गोविन्द्रसिंह माहान भारो-
शन पिण्डपात्र दोहरपा जुरो । । श्वनलि न्हपायागु सेडाओ रत्नसिंह
भारोशनं न्हूरयाड दोहरपा ।

[२७]

स्वस्ति । सम्वत् ७१८ श्रावण शुक्ल । अष्टम्यांतिथौ ।
सोमवासरे । श्व कुन्हू श्रीमत् श्री श्री तथागतसके योषाछें पंदुराम
भारोशन पिण्डपात्र दोहरपात्वं जुरो शुभं ।

नायरषू छ्वासरिड या ।

[२८]

संवत् ७१८ श्री क्वथभोत जसिराजजुया शुभमतु ।

[२९]

श्रैयोस्तु संवत् ७२० श्रावण शुक्ल अष्टम्यान्तिथौ साथर
योतागृह ग्वपार भारो भातृसहसन पिण्डपात्र देहरपा जुरो शुभं । स्त्वं
९०९ श्राओन शुक्ल १५ न्हपायान गुरि स्यडाओ प्र १ = सिजल तनाओ
अथकया धनओनसिन दयका जुरो शुभं ॥

(२०)

[३०]

श्रेयोस्तु सवत् ७२० श्रावण शुक्ल अष्टम्यान्तिथौ साधर
यौतागृह ग्वपार भारो भ्रातृसहसन पिण्डपात्र दोहरपा जुरो शुभं ।
स्कं ९०९ श्रावण शुक्ल १५ न्हायागुरि स्यडाओ प्र १ = सिज तनाओ
अथकया धनओनसिन दयका जुरो । शुभं ।

[३१]

संवत् ७२२ शाओन शुक्ल अतमि कुन्हू दोहरपा इतिरन्हचे
कुतकाहारया श्रीजरषजुन दुता ॥ न्हायागुरि सेडाव हिरा । श्रीबुध-
राजु । श्री धमजोतिजुन । सं ८४४ शुभ शुजेत ।

[३२]

संवत् ७२५ श्रावण शुक्ल अष्टम्यान्तिथौ स्वतिनक्षत्रे साध्य-
योग्य शनिश्ररवासर थ्व कुन्हू पिण्डपात्र दोहरपा दानपति ध्वपोगाद
गोविन्दसिंह भारोन दुता शुभ ।

[३३]

स्वस्ति । संवत् ७२६ श्रावण शुक्ल । अष्टम्यान्तिथौ । शुक्र-
वाहरे । सिंह संक्रान्ति पर्वदिन । थ्वकुन्हू श्रीमत् श्री धी दिपंकल
भट्टारकासके, डाखाचोक विछु श्रीकुसुमजु भ्रात्य सहसन पिण्डपात्र
दोहरपात्वं जुरो । शुभ ।

(२१)

[३४]

सम्बत् ७३० श्रावण शुक्ल । अष्टमी । सोमवार । श्वकुन्हू
भोतपोलया रूपदेवजुनं श्व पिण्डपात्र दोहरपा श्री ३ दिपक [२] श्री
३ बुध हिरण जुरो ।

[३५]

संवत् ७३० श्रावण शुक्ल । अष्टमि तिथ्य । भाताप्वर ।
सिकाखत्र कारओहासिह पुरत्र भात्य वत्रकार मनिराज पुनहान सनपि

[३६]

सम्बत् ७३२ श्रावण शुक्ल । अष्टम्यान्तिथौ । विशाष नक्षत्रे ।
शुक्ल योगे । शनिश्चरवासरे । श्वकुन्हू मञ्जुश्रीलन्हे वंताछे बाबुसिह
भारो, भातृ जीवसिह भासन पिण्डपात्र दोहरपा दिन । शुभ ।

[३७]

श्रीयोतु । सम्बत् ७३३ श्रावण शुक्र अष्टम्यां तिथौ स्वाति
नक्षत्रे शुक्रयोगे वृहस्पतिवासरे श्रीमत् श्रीश्री दिपांकरसके पीडपात
दोहरपा श्री डाषाचोक येता साक्षविषू धर्म्मसिडन नातसिडन जुरो ।
धर्म्मसिया पुत्र कुतुसि श्वया पुत्र तधिजु श्वया पुत्र विषासिदेओ श्वया
पुत्र कुलजोती रत्नजोती धनजोती श्वया पुत्र मर्छिजोति डाखाचू श्वया
पुत्र भुवनजोती श्वया पुत्र हेराकाजी ।

[३८]

संवत् ७३४ श्रावण शुक्ल । अष्टम्याम्यान्तिथौ । अनुराढ नक्षत्र । इन्द्रयोग । बुधवासरे । थकुन्हू श्री क्वाठभोत श्री जयजुन श्री तथागतसके पिन्दपात्र दोहर जुरो । शुभ ।

[३९]

संवत् ७३४ श्रावणशुक्ल । अष्टम्यान्तिथौ । अनुराढ नक्षत्रे । इन्द्रयोगे । बुधवासरे । थव कुन्हू श्री यितिलन्हू येतागृह श्री कमराजजुसन श्रीमत् श्री श्री तथागतसके पिण्डपात्र दोहोरपा दिन जुरो । शुभ ।

[४०]

संवत् ७३५ श्रावणशुक्ल अष्टम्यान्तिथौ । आदित्यवासरे । थोकुन्हू पिण्डपात्र दोहोरपा, यितिलन्हू श्री उल्हासिहजुन दुन्ता जुरो । शुभ ।

[४१]

श्रेयोस्तु संवत् ७३७ श्रावण शुक्ल अष्टम्याया तिथौ विशाख-
नक्षत्र बुधवासरे थव कुन्हू । श्रीमत् श्री श्री दिपंकल भतारकासके
श्री अतकिवाहार गोपारसिङ्ग भारो भात्र सहन द्वहोरपा जुरो । शुभ ।

[४२]

संवत् ७३८ श्रावणशुक्ल अष्टम्या तिथा क्वाठभोतस दोहरपा
इतिरन्हे नापित विसलामनं दुन्ता जुलो शुभं ।

[४३]

श्रैयोऽस्तु । संवत् ७३८ श्रावण शुक्ल अष्टम्यां तिथौ स्वाति-
नक्षत्रे शुभयोगे आदितवासरे । श्वकुन्हू योषाछें गोवि भारो भात्यसहसन
पिण्डपात दोहरपा दिन जुरो । शुभ ।

[४४]

संवत् ७४४ श्रावणशुक्ल । अष्टम्यान्तिथौ । स्वातिनक्षत्रे ।
साध्ययोगे । अंगारवासरे । श्वकुन्हू श्री ३ दिपंकरादि सर्वसंघ समुहरया
चाकलंषू चैत्रकाल चिकुधिक पुनसन पिण्डपात्र द्रहरपा दिन जुरो ।
शुभ ।

[४५]

संवत् ७४४ हतखा लकायेताउ हाकुजुन श्री ३ काठभोतस
दुन्ता जुरो । शूजु । पुत्र श्रीसंजजु हतखाया । शुभ ।

[४६]

संवत् ७४५ श्रावणशुक्ल । अष्टम्यान्तिथौ सोमवासरे तस्मि
सिंहसंक्राम्त महापर्व दिन्य । श्व कुन्हू श्रीमत् श्रीश्री दिपंकर भट्टारिकात्वं
विज्याचकू श्रीमंजुकोल्हंन्हे श्रीजयसिंहजुनः श्व पिण्डपात दोहोपा जुरो ।
शुभः ।

(२४)

[४७]

श्रैयोऽस्तु । सम्वत् ७४५ श्रावण शुक्ल अष्टमी संक्रान्ति कुन्ह
नकपक्ष अमात्ते गोविन्दसिंह भारोसन पिण्डपात्र दोहलपं श्रीमत्
श्रीश्री क्वाठभोतश ध्व पात दुंता जुरो । शुभं ।

[४८]

श्रैयोऽस्तु । संवत् ७४८ श्रावण शुद्धि ८ ध्वकुन्ह साथलं गोपाल
भारोन ध्व सिजया पाट दुन्ता जुरो शुभं ॥

[४९]

सम्वत् ७४८ श्रीवण शुक्ल । अट्टम्यान्तिथौ सोमवासरे ।
ध्वकुन्ह श्री यितिलन्हे यितिफुसिगृह श्रीभारसिहजुन पण्डपाता द्वहोरपा
जुरो । शुभ ।

[५०]

श्रैयोऽस्तु । सम्वत् ७४९ श्रावण शुद्धि शुक्रास्तमि कुन्ह पिण्ड-
पात्र दोहरपा कोवाहारया कासिजुन दुताः शुभ ।

[५१]

स्वस्ति । सम्वत् ७४९ श्रावण शुक्ल । अष्टमि । शुक्रवार ।
ध्वकुन्ह हतखा कमराज वदेन पिण्डपात्र दोहलपं श्रीमत् श्री श्री क्वाठ
भोतस २ पात दुंता जुरो । शुभ ।

(२५)

[५२]

श्रयोस्तुः संवत् ७५३ श्रावण शुक्ल अष्टमी कुन्हू श्रीमत् श्री २
क्वाभतया शाक्षमुनिसवय डाखाचोक अमिसिहजुन दुन्ता जुरो, शुभ ।

[५३]

संवत् ७५७ श्रावण शुक्ल । अष्टम्यायां तिथौ स्वातिनक्षत्रे
शुभजोग्य बुधवासरे श्वकुन्हू हतखा श्री जयदेवजुनं श्री २ क्वाथभंत
भट्टारकासके दुन्ता जुरो शुभ ।

[५४]

संवत् ७६१ श्रावण शुक्ल । अष्टम्यान्तिथौ बुधवासरी
यिनायलन्हे यता श्रीरत्नजुसन पिण्डपात्र दोहरपा जुरो । शुभ ।

[५५]

संवत् ७६५ इतिरन्ह घनजु निवा

[५६]

संवत् ७६५ श्रावण शुक्ल । अष्टम्यान्तिथौ, चकलंखुलं
यौताछे चैत्रकाल कृष्णसिह पुनन श्व पिण्डपात द्वहोरपा दिन जुरो ।
शुभ ।

(२६)

[५७]

सम्बत् ७६८ श्रावण शुक्ल । अष्टम्यान्तिथौ बुधवासरे ।
यिनायलन्हे श्रीरत्नजुशन पिण्डपात्र दोहरपा जुरो । शुभ ।

[५८]

श्रेयोऽस्तु । सम्बत् ७७० श्रावण शुक्ल अष्टम्यान्तिथौ शुक्लवासरे ।
डाखाचोक येतागृह श्री जिदेवजुन श्री क्वाठभोतस श्रीमत् श्री श्रीदीपङ्कर
भट्टारकासके दोहरपा जुरो । शुभ । मानसि विछु डाखाचूक श्रीरामजुन,
लछेमन पिण्डपात दोहरपा जुरो ।

[५९]

श्रेयोऽस्तु स्वत ७७० श्रावण शुक्ल अष्टमि कुन्हू क्वाठलषु
लाछें कासिराम भदिरि भारो ।

[६०]

सम्बत् ७७१ श्रावण शुक्ल । अष्टम्या तिथौ श्वकुन्हू अथक-
लिपछे शिराम भारोन पिण्डपात दोहोरपा जुरोः । शुभ ।

[६१]

सम्बत् ७७३ श्रावण शुदि ८ कोथुवाहार श्रीपंदुजुन श्व
पिण्डपात्र दोहोरपा जुरो शुभ ।

(२७)

[६२]

सम्बत् ७७४ सावनमास्य शुक्र पण्य अतम्या तीथ थोकुन्हू
छ्वासवाहार वताछे जिरकसिजु पुत्र कासीराजु दुन्ता जुरो । कोथभस्त
श्री ३ सांकेमुसके दुहोरपा जुरो शुभ ।

[६३]

थन हतषाया संवस्त ७७५,

[६४]

श्रेयोस्तु । सम्बत् ७७७ श्रावण शुक्ल । अष्टम्यान्तिथौ ...
प्रीत अतकिवाहार दुंदुगृह लिविछे शिवदास भारोसन शिजपिण्डपात्र
दुन्ता जुरो सर्वदा कल्याणमस्तु । शुभ ।

[६५]

श्रेयोस्तु । सम्बत् ७७८ श्रावण शुक्ल । अष्टम्यान्तिथौ ।
विशाष नक्षत्रे । शुक्रयोग । अंगाडवासरे । थ्वकुन्हू येलाछे बोवाछेननि
योता मालसिंह भारो भ्रात्य सहसन श्री ३ क्वाठभ. तस थ्व पात दुन्ता ।

[६६]

सं ७८१ श्रावण शुक्ल अष्टमि कुन्हू थ्व पिन्द्रपात्र दोहोरपं
दुन्तो ववाहार तितो दु अदिका भारोसन जुरो । शुभ ।

(२८)

[६७]

सं ७८५ श्रावण शुक्ल पंडजा अष्टि कुन्हू क्वाठभोतया देओ-
लाजाजुन णकदान याडन जुरो ।

[६८]

सम्बत् ७८५ श्रावण शुक्ल । अष्टमी अंगार हारे
सिवन्तं देवस्के विश्वन श्व जोशिपुत्र विशरराम जोशिन दोहोरपा शुभ ।
श्री श्री ३ क्वाठ भंतस ॥

[६९]

श्रयोऽस्तु । सम्बत् ७८६ श्रावण शुक्ल । अष्टम्यान्तिथी ।
आदित्यवासरे । अस्मिन्दिन दानपति येखाछें यंतालिवि अमात्ते जिवण,
सिंह भातृ राम एते पिण्डपात ॥

[७०]

शीयो संवत् ७८८ श्रावण शुक्ल अष्टम्यायां तिथी विशाखा
नक्षत्रे ब्रम्हयोगे बुधवार श्व कुन्हू तवभयार पात्रवंश पुयिभारोया छय
बलभद्र भारोसन श्वस तिरि कमरालक्ष्मी नीमस्यं श्री क्वाठभेन्तस दुन्ता
जुरो ।

[७१]

सम्बत् ७९० श्रावण शुक्ल । अष्टमी । श्व कुन्हू शलिडछें
प्याशुषुरिदेव भावो डता चि श्री ३ क्वातभत श्रीक्वाचपारस
द्रहरपा जुरो । शुभ ।

[७२]

श्रियोस्तु संम्वत् ७९२ श्रावण शुक्ल अष्टम्यायां तिथौ विशा-
नक्षत्रे सोमन योगे सोमवासरे श्वकुन्हू श्री अटक वाहार यंतागृह देवीदास
भारोसन श्री ३ साक्यमुनि दीपकर स्तथागतस्के श्व पिण्डपात्र द्वहरपा
जुरो शुभ ।

[७३]

श्रियोस्तु संम्वत् ७९३ श्रावण शुक्ल अष्टमि शुक्रवार श्वकुन्हू
पिण्डपात्र द्वहोरपा बाहाररूखाया सतेराम भारोया श्व पात्र जुरो । शुभ ।

[७४]

संम्वत् ७९५ श्रावण शुक्ल । अष्टमि । श्वकुन्हू ज्वलगारगृह
रामकृष्ण भारोस भाज्या जुमुनामइ उभेसन सिजरपात ग्वड १ दुन्ता
जुर शुभ । श्री ३ क्वाठभोतया जुरो ।

[७५]

संम्वत् ७९७ श्रावण शुक्ल । अष्टमि । श्व कुन्हू ज्वलगारगृह
रामकृष्ण भारोस भाज्या जमुनामइ उभेसन सिजरपात ग्वड १ दुता
जुर शुभ । श्री ३ क्वाठभोनया जुरो ।

[७६]

श्रीयोतु संवत् ७९९ श्रावण शुक्ल अष्टमि विशाषनक्षत्र ब्रम्हयोगे
सोमवासरे सिंहरासि गते सवितरि जथा तुरेरासि गते चन्द्रमसि ।
इन्दमदिवसे श्रीहर्णवर्ण महाविहार श्री श्री क्वाठभोत । श्री शाक्षमुनि
प्रितिन श्री न्हरबाहारया दानपति नापित हाकुकमिन चतजाया दोहपा
पिण्डपा द्रहरपा जुरो । शुभ ।

[७७]

सं. ८०५ श्रावण शुक्ल अष्टमी श्रीक्वाथभतसके थ्व पिण्डपात्र
दोहोरपा जुरो । दानपति इतिल्हम्हो न्हर छेया ज्येष्ठ भाता जयमुति,
कनेष्ठ भाता जयमुनि थ्व नेम्ह फुकिज् समोहन दोहरपा जुरो । शुभ ।

[७८]

सम्बत् ८०८ गुनरा, श्री ३ वसपाहारस पेंडपात दुता जुरो,
वातापुरनस । निवा, साकेमुनिन, कुतुजुन निम्हस्यन दुता शुभ ।

[७९]

सं. ८०९ श्रावण शुक्ल अष्टमि आदित्यवार थ्वकुन्हू यखाया
ताम्बकार दान भारोसन श्री ३ क्वाठभोत भट्टारकाया थ्व पिण्डपात्र
दोहरपा जुरो । शुभ ।

[८०]

स्वयोस्तु सम्वत् ८१० श्रावणशुक्ल अष्टम्यायातिथौ स्वातिनक्षत्र
शुभयोग शनिश्चरवार शुक्लश्री ३ दिपंकल बुद्ध भत्तारकसके ध्व
पिण्डपात्र दोहरपा, दानपति थज्यायाक श्रोस्तराजन दुन्ता जुरो, शुभ ।

[८१]

सम्वत् ८१५ श्रावण शुक्ल । अष्टमी । तस्मीन्य । चतनजा
दानयास्यं ध्व पिण्डपात्र श्री ३ क्वाठभोतस श्रीशाक्यसिंह भट्टारकस्य
जोडवाहार रोहोक्रमि । काशिभारोसन दुन्ता जुरो शुभं ॥

[८२]

सम्वत् ८१६ श्रावण शुक्ल । अष्टमी । तस्मीन्य । चतनजा दानयास्यं
ध्व पिण्डपात्र श्री ३ क्वाठभोतस श्री शाक्यसिंह भट्टारकस्य जोड-
वाहार । रोहोक्रमि । काशिभारोसन दुन्ता जुरो शुभं ।

[८३]

सम्वत् ८२१ श्रावण शुक्ल अष्टमि कुन्ह पात्र पुरन याडन ।
श्री ३ क्वाथ भोतस विसंदास भारो, तिविकन भारो, कृष्णदास भारो,
रछेमिदास भारो, हरिदास भारो, धंचा । थुतिस्यन दुता जुरो ।

(३२)

[८४]

सम्बत् ८२१ श्रावण शुक्ल । अष्टमि कुन्हू पिण्डपात्र दोहोरा ।
अथ ग्वाछे अमाते ज्याथ चिकुति भालोन दुन्ता जुरो । क्वाथभासस ।
शुभ ।

[८५]

स्वत ८२४ श्रावण शुद्धि ८ सुक्रवार भोटपोया वीश्वदेवन श्री
भगवान पतिण दुता जुरो ।

[८६]

क्वाथभतदेवयात । स्वत ८३३ श्रावन बद्धी १३ पुरचोया
विश्वनाथन पेन्द्रपात दोहरपा जुरो शुभ ।

[८७]

सं. ८३६ श्रावण शुक्ल ८ श्री २ सकिसिहस्के पेडपात दोहरपा
दानपति साकेवस निवा श्रीबोघिन पात पुरण यास्यं दुन्ता शुभ ।

[८८]

सं. ८५० श्रावण शुक्र अतमि कुन्हू श्री ३ ओश्ववाहारयात ग्वर
१ ग्वरपात हखाया घमराजजुनं दुन्ता जुलो । शुभ ।

(३३)

[८९]

सं ८५३ श्रावण शुक्ल । अष्टमी । श्वकुन्हू परिपुलन याडाव
श्री ३ क्वाठभौतदेवयात दुन्ता जुरो । दानपति नकविहारि लक्ष्मीदास
भारोन कनेत्र भातृ घनचा भारो भ्रातापुत्र चिकित्ति मिरम्ह पुत्र भांजु
कुतुजु घनजु कनेस्त पुत्र घनदास मुकुन्दसिंह शुभ ।

[९०]

सम्बत् ८५५ श्रावण शुद्धि ८ श्री क्वाथ भोस्त श्री ३ साक्य-
मुनि भट्टारका प्रीतिन स्वहानिम्ह मिलखावाहार शिवराम माहानं
भावोसन पात्रपुरणदान यास्यं पिण्डपात्र दोहोरपां । शुभं ।

[९१]

स्वस्ति । सम्बत् ८५७ श्रावणशुद्धि ८ श्वकुन्हू श्री ३ क्वाठभौत
शाक्यसिंह बुद्ध भट्टारक प्रीतिन, चलणुनियामया मेरू भारोन, पात्रपूरण
यास्यं श्व पिण्डपात्र दुन्ता जुरो । शुभ ।

[९२]

श्री ३ भगवान् प्रीतिन न्यादस्य चोड सेडान अमात्य धंचानं
दुन्ता सं. ८७४ श्रावणशुद्धि १२ श्वकुन्हू शुभं ।

(३४)

[९३]

श्री ३ क्वाठभंतस दथुतओझ्यारया पुयीजुन दुन्तागु स्यंङ ल्होडा
लक्ष्मीरामनं सं. ८८३ आ. शु. १५ स जुल ।

[९४]

संवत् ९०६ आओन पूर्णमासि थ्व कुन्हूः श्री ३ क्वाठभंत
भगवान पितिन मिखावाहारया अन्तसींह भावो जिवसिह भावो
विष्णुसिह भावो थुति समोहन पिङपात राछ १००००० छामें दुन्ता
जुर । शुभं ।

कर्मसिद्धि मिषावाहा ॥

[९५]

डाखाचूक देवसिङजु ज्याम्हाया आजुजागु, थ्याका, अथ,
धंजु, भाजुनां, कुरजोति, भाजुनरसि थुतिया सं. ९१२
देवजोति अथक पात १ कुले ।

[९६]

स्वतं ९३७ आवण शुदि ८ अनुराधा नक्षत्र इन्द्रजोग बुधवाल
थ्वपुन्हू नओदान याओ श्री ३ क्वाथभोतस दुंता दानपति नकविह
रूपछे रक्ष्मीनालां पुत्र मत्यनसिह मस्तराम, पौत्र रामकृष्ण, भाजुमुनि
रामशुध्र. रामजु, रछिमं, रक्ष्मीशुध्र, मछिन्दसि थ्वति समोहन दुता
जुर, शुभं ।

(३५)

[९७]

श्री भगवान् । इषाछे षडचूकया देवसि भालोनं क्वाभतस ग्वल
१ पिदपात्र दुतागु स्यनगु जिन उधोल याना हर्षमानसि भुजिन संवत्
९९३ म्ति सावनवदि ९ रोज १ शुभं ।

[९८]

संम्बत् १०१३ म्ति श्राओन शुदि १५ स रोज १ स । ग्वलछि
पीद्रपात्र श्री ३ दिपंकर भगवानयात तया न्हापायागु स्यंका तना दयका ।
क्वालषु ग्वाक्ष ननिया साक्यवंस भाजुघन, इलालन्हेया घनमुनी, पुनीराज
थ्वम्हसया समोहन दुता जुल - शुभ ।

[९९]

देवजोति अधक पात १ कुले डाखाचूक देवसिङ्गु ।

[१००]

डाखाचैक श्रीमघनजु ।

[१०१]

चित्रमुनि ताहाल छेलि ।

[१०२]

म्हूछे धं इलालन्हे



(३६)

लेखकया पिदनेधुंकूगु मेमेगु सफूत

- १) धी स्वयम्भू महाचैत्य
 - २) बुद्धमूर्ति छगू अध्ययन
 - ३) त्रिभाषायुक्त भद्रचरी
 - ४) रुद्रवर्ण महाबिहार परिचय
 - ५) मयूरवर्ण महाबिहार इतिहास
 - ६) विदयाधरी विजयश्वरी परिचय ✓
 - ७) पूचो छगू अध्ययन
 - ८) नेपाल संस्कृतिया मूलुखा
 - ९) आर्यावलोकितेश्वर परिचय
 - १०) बौद्धबिहार व ग्रन्थ सूची
 - ११) बौद्धकला अनुसन्धान सूची
 - १२) कुम्भेश्वर इतिहास
 - १३) स्थिरोभव बावय
 - १४) बौद्धनाथस्तूप इतिहास
 - १५) इल्हने सम्यक
 - १६) माणिकल राजप्रासाद (मंगलबजार)
 - १७) बौद्धशिक्षा प्रथम भाग
 - १८) नेपाललिपि संग्रह ✓
 - १९) यटखाबाहा परिचय
 - २०) लिपि बिकास तालिका
 - २१) नेपाल लिपि प्रकाश
 - २२) लिच्छवि अभिलेख प्रकाश
 - २३) नेवारी वर्णपरिचय
 - २४) सम्यक महादान गुधि
 - २५) मेडिभल नेपाल, कोलोफोन्न
 - २६) आर्यनामसंगीति ताराशत, आर्यभद्रचरी
 - २७) हिरण्यवर्ण महाबिहार स्थितपिण्डपात्र अभिलेख
-